

漸西村人初集

漸西村人初集

詩六

戲作俳句

古意四首

送施均父落第後之肅州從軍

毗耶

王子裳芙蓉秋水圖

效涪翁體

簡仲修

寄家兄

追和江退谷丈二首

石屋隄曾公嶺去吾縣一牛鳴地耳頗有稻畦竹塢
之勝先伯父雪蕉先生卜居於此竹上時有小詩及
題名亂後慙滅矣追憶成詠

贈高仲濺朱鼎父

和胡景曾

寄和王子穎丈

閣夜

和李愛伯臺郎移居

簡陳后部

喬森

庭前花

反游仙詩

竟陵

甲戌七月晦日

答台州王子裳同年

送陶子纘歸越

送人游蜀

涵秋閣詩

爲嚴居士作

校獵行

十三年秋駐蹕南苑行秋獮禮恭賦

西齋

夜集同芝浦松岑移華作

感舊絕句

仲長公理

高文公伯恭

韋左司

徐仲車先生

讀陽明先生傳習錄

孫徵君

姚惜抱先生

對雪

答龍松岑

贈潘孺初

瓊州文昌人
隱於金曹吏

春遊戲效松岑體

題朝鮮使臣金奭準指頭書

題松岑詩集

四月二十七日書痛

問龍乞水

驅虎負樵

夷亶

雜詩

寓館有女蘿叢生上蔓檐際豐茸可愛聊以遣興

放歌

乙亥重九日詩

止潛比部招同尊老牧莊伯馴鼎父子因宴集徧游
城外白雲觀天甯寺諸勝抵暮乃歸走筆爲詩呈諸
公

拙訥翁

金溪陽明乃孔門之琴張曾皙牧皮也拈筆短述
形將

泛海僧

菊

將曉

燈

瓦松

次韻張桐將之濟南別

憶女

漫興

散人

懷昔遊戲作

送友人假還秦中省親

時參

上黃子壽丈

斷西村人初集

詩六

戲作俳句

甲戌

人人不識揚州樂我道揚州樂事真蠓蚋汁和甜笋美鹿
車痕碾輦沙勻彌陀巷裡尋高木夾翦橋西覓李賓晚向
東園門外過小桃放了亦風神

古意四首

幾日靡蕪生夾道又看稚柳拂金隄槎淩碧海迴風阻路
隔紅橋對靄迷駿馬絕塵空換妾干將薦屨半爲泥欲探
蔥嶺河源勝芒屨冥冥獨向西

宮裡長眉樣不同城中新髻頗難工
悔操薄技睇恩澤亦有精誠獻法宮
何處珠簾巢翡翠羨他玉殿樹青蔥
感深二鳥重爲賦薦進殊光未許通

閑填絳樹聲聲慢故折青棠裊裊絲
瑟抱三年知術拙乘成五丈恨工遲
碧牕乍暝聞烟語玉宇微寒觸曙思
飄瞥武夷張樂地幔亭有路到今疑

微聞閣道開營室傳語緡錢權水衡
定法周宣銘甲鼓久應夏啟卜庚橫
木妖豈待劉生諫絲壁何煩魯殿更
別有精思公王帶合宮圖欲獻承明

送施均父落第後之肅州從軍

遠樹相迎意黯然輕裝短製別華筵欲探烏鼠同巢野定
訪崆峒問道山祿利何堪受鴟嚇高才莫漫遺魚荃惶中
戰伐含飛動幕下陳琳正待賢

河西自古雄文物漆簡東京出杜林殊俗卽看勢面化經
生要蓄濟時心徙戎江統曾閱議對策劉蕡豈陸沈好去
晉公持節地朝正重入五雲深

毗耶

毗耶城人家屢空申儒詰墨言旃鳩頗於舊解出新意自
信人阨非天窮雨榭沈沈豆子熟風寮漠漠苔花紅安得
摘星陀絕頂金仙坐約兩茅龍

王子裳芙蓉秋水圖

仙人襦淺絳一墮烟江潯下尋寒篠盡忽霽窮秋霽亦有
南華意持寫妙明心平泉園裡樹歲晚不可尋娟娟隔秋
水疊疊抱孤深

效涪翁體

摧眉結喉緣俗客明目張膽仗奇書何用行媒先鳩鳥相
教浪出慎魴魚虛堂靜得碧山趣古石閒支丹鼎鑪自有
張皇幽渺事塊然天地入蘧廬

簡仲修

化書譚子綠玉佩自是謫仙人絕塵羸壤張縉氣爲縹冰

天叩角絃復春句無凡語能驚俗筆有千秋信入神寺裡
雙松同偃蹇近來佳句掇皮眞

寄家兄

遙知溪上路苔翳經行迹倚檻聽風湍開樽澹將夕歸樵
出雲杪細徑穿竹怕涼月升東崦照我蔬筍席稍聞漁者
歌洒然盪營魄野火滅還明潮生沒孤石誰同一瓢酒形
檢忘主客京洛夕相望羈心鬱如積

余爲外事累兄耕原上田晴窗對道帙時檢白雲篇媿我
衣塵漬蕉萃難爲妍心馳富春路祇見陌頭煙喧寂豈殊
致勞生使之然蘿暝隱晨嘯竹深聞夜泉那知少日樂撫

事坐推遷

追和江退谷丈二首

拔地一千尺增厓秋氣高老松長鱗甲崩石動波濤雲入

蒼江腹苔衣野碓尻退翁此栖息滅景逐盧敖

獨山元
詩云細雨

溼如霧白雲低在溪山高絕飛鳥村遠
尚聞鷄不登是山脊不知其語之妙也

一屋如方罫炊烟三兩家檢書搜竹簾穿霽落松花婦汲

新修筒兒煎早焙茶秋來村釀熟乞蟹釣師車

村居

石屋鳴一名曾公嶺去吾縣一牛鳴地耳頗有稻畦

竹埭之勝先伯父雪蕉先生卜居於此竹上時有小

詩及題名亂後悲滅矣追憶成詠

山人耽糟邱寢瘵謝人事時攜樵客遊或簡緇流至溪南
結茅社春日筍迸地偶來磐石上釣竿聊一試山寒魚亦
瘦不復近香餌閑將金錯刀竹膚題綠字日暮笳笛空歸
來飯烏牴客來造牀下剖析多古義末代少眞風孤蹤猶
鳳吹至今竹書痕猶貽後人思茗柯有眞理飛沈恣遊戲

贈高仲瀛朱鼎父

高子青古籍樸野忘榮利精擇海島經義析曲臺記山雲
無定姿或臥松下寺有時洮西懷結客指畫地

朱子啗言語不脛自超塵粲然南郊賦博喻西都賓藏室
似淪跡玉杯且華身古之善爲士安知非采眞

和胡景曾

昨客淮南今剡北逢君園徑糝槐花一流垂盡才無賴十
上空勞遇尙賒河朔樽徒連兩飲漁陽鼓已落飄颻何方
借得新巢住且入長楊聽曙雅時予得中正榜仍報罷以訾爲閣掾
君歌白雪詞空費我媿黃金賦不成北地看花如中酒南
來頌橘未渝榮電開玉女顏微笑露折銅仙掌一莖會是
凌飈生健翮未妨淨退隱王城

寄和王子穎丈

相逢東海曲曾見幾紅桑辛苦進歸屐輸君臥石牀桐雲
連十畝寰宇記引耆舊傳云桐溪側有大椅桐樹垂條蓋蔭數畝遠望如幄遂謂爲桐廬縣也竹閣

注三蒼竊眇移情處山中未肯忘

閣夜

宮槐無風雅自響飛入長楊三兩聲千門尙未傳魚鑰官
燭燒殘月露盈

和李愛伯臺郎移居

槐樹斜街朱老宅藤花古屋阮翁居主盟結社今誰屬刺
齒持梁總不如檐竹好移金璫碎研池更挈玉蟾蜍莫嫌
郎署浮沈久會起通儒議石渠

先生讀易注騷處越國才應抗蜀才室有奇書排錦暉門
無雜客繡蒼苔草予不待丹吾轂枕麴何妨聖牧臺幾日

掉頭柯水去誅茅歸傍小蓬萊

簡陳戶部喬森

惡色俗所眎惡聲眾所聞文章亂龍紫古術荒鉏賴陳君
塞兩目睨若馬勃熏下走塞兩耳朱儒喧吹唇年格限賢
達暖姝棄艱辛但覩諸年少梁折代以薪不見舊耆宿錄
嶽搜峨岷一日連一夕一昏復一晨蹇驂被錦羈驕嘶絡
頭新綠耳困芻豆將遁南山濱曾參云殺人世議不復伸
汲直困刀筆賤者不復珍何當盡屏去獨與浮雲親

庭前花

庭前有奇花徑寸發深秀紅翠相搪撐馨烈久彌茂爲甚

惡草盡釀酒飲而壽

反游仙詩

紛紛方士堪搗斥行藥長安市未遺精思自揮空石裡眞
游偶憩綠蘿間鹿盧躋御輦千里龍伯人來芥五山喚取
劉侯詩石鼎逕須高髯折攀訕

竟陵

甲戌七月晦日

竟陵玉節擁朱輿涉厯艱難委佩餘西邸誰陳因果論東
平難乞短長書幅巾倘幸傳歸第華屋何人爲曳裾割肉
汙貂終得釋風雷掬爪事何

答台州王子裳同年

詩六

大

避舍蓋

腦脂遮眼王同歲

蔡字子莊

羸羸遺形蔡仲吹

仲吹名篋皆台人

晚出

輪囷千尺榦相邀被服六銖衣任人逐臭餐熬腐與子食

和飲太微欲叩金華宋道士

潛溪先生嘗爲天台山道士

方吳黃柳有

遺徽

謂韶甫淵穎文獻道傳諸老先

送陶子緝歸越

森沈右簷倚金支翠樞陰中讀楚辭舊注好纂鴻烈解穹

碑爲訪禹陵祠枝言何用夸三耳飛遁終期法九師壓擔

奇書燕市去參差笑謝市中兒

何時同約泛蘭艘便泝南江入浙江生事待營三畝宅卜

居空夢兩山龍子能任運希龍螭我媿娛文廢擊撞迴首

北平多古意旅愁如海未能降

送人游蜀

一年同飲桑乾水何日重浮桑落樽此去疲驢劒門道丹
楓夾路聽嘒蟬雪晴瓦屋千重見霜漲蘆溝幾尺渾莫厭
清貧桶官務山深俗樸道彌尊

涵秋閣詩

爲嚴居士作

靈境含眾妙意林憑象構況聞吾子賢端居類巖岫回回
淩颺空槭槭翳永晝飛檻納浮陰暗泉挹丹溜疑非王城
栖風物濯穎秀下尋叢荻盡忽拓遙岑觀兀然坐忘客萬
有俱色授講解吾友于瓦罇偶相就大地運一舟彌縫無

罅漏卽此明遠心何殊食氣壽

南城有佳處潢水深幾曲乍斷游人至何殊鄭君谷烟中
人語靜微霜漬松竹時待劉龔來三徑放遠目朝聽東林
梵暝還西齋宿猶憐江上居荒池蔓寒菊我亦離鄉客社
燕思舊屋相期脫世議澹與返初服歲寒非峻節純懿天
所福

校獵行

十三年秋駐蹕南苑行秋獵禮恭賦

西山國之望灤水貫縱橫神皋信天府藪澤何盈盈池籞
割三垂滲漉假貧忙維南有靈囿繚岸規蓬瀛舊爲飛放
泊七萃閒牧耕臺瞻晾鷹古館勝射熊名製無游觀飾卉

敷陸落榮

乘輿舉獮禮尉候張罝紘秋稼方如雲省斂恤疲憊木蘭
規國俗天弧厲金行列校嬋羣雅雲罕動雷聲周行夷草
棘輦路麟杜蘅六虬弭容與戎容肅

天情朱旗拔桐絳凋弓扶桑彌羽不及避擲角不及觸振
草樹紛仆藉電掃阬谷輕

皇心匪巡游車攻邁周京燁武震月嶠威稜讐龍庭黃支
與烏弋咸使奉朔正方物貢重譯天戈澹災萌上備乾豆
薦下戒大庖盈迴 蹕返澹泊獠鮮佐禪祊滌煩治道固
游思六藝精宣室攬耆俊 講筵湛神明上事罷瑀飾木

功輟經營恭儉爲圃藪仁義資衝軻陋彼扶風獵願刊却陽銘

西齋

狹似毗耶成道室陋於山谷死心寮無端又捨西齋去惜得新禪且避囂

劉伶以室爲禪

夜集同芝浦閣校松岑孝廉移華編修作

如李清歌一再行淡烟和月翳還明座中東馬才無匹曲裡西烏感易生燭灺柘枝顛罷試酒餘藤子帖俱評窮愁獨有江南客倦聽閒情吹玉笙

感舊絕句

塔圯庵荒僧已非兒時侍立贍苔磯近山已赭全無樹猶

夢穿塍負笈歸

師谷庵 住持
老僧名高菴

漫漫溪流雲一谷先公讀易拓松窻夜歸猶記長干寺月

上驚衝野鶻雙

晦村

嚴情最愛濯清溪秋禊臨流聽竹鷄卻憶天寒採松子忽

看蒼鼠墮荒蹊

清溪

曾隨杖屨傍溪行鵬墅清幽只一楹石欄虎迹尋常見厓

上丹楓時倒生

東陽

先公閉戶耆清修洲近梅花不一游聞說唐梅今尙在臥

開斑斕綴青虬

九里洲

每逢九日幾回登諸父提攜授簡能城郭人民俱浩劫歸
然惟有塏層層 桐君厓

禮殿贄敬只臥梅曾攜瓢酒匝千回雪晴枕石書曾把不
戒樵薪今已摧 崇聖祠古梅

擘浪分風得此山必芻散住碧厓閒避風到此風轉定始
信白紫難躋攀 焦山

茲山天下稱窮處亦有風雷蕩濤音游屐無人能到此綠
蘿巖下一披襟 銅井

華巖妙諦無凡聖 劉司散作髯翁聚族居諸相輪困無一
似晚來濤吹和鐘魚 靈隱寺門松

江行曲折千灘轉直到門前勢少徐北受紫溪春水闊釣
師新網得鱖魚漸江水

溪潭二月雪消盡夾岸山花紅欲然天目於潛裁百里未
探幽勝惜迴船紫溪

灘聲忽高厓濺雨江行盡日稀村鵝清泉一道兩山閒石
上松花覆鍾乳十九泉

昨逢溪叟鬪名山八十疑年似壯顏雪裡黃精花轉盛藥
苗分得一叢還白雲溪

溪烟裊裊出深籬爲憶山中茶熟時且喜山深無市權風
甌泉味試春旗新茶

北人未見竹成圍誰識笋生車軸肥鄉味春盤少顏色渴
思解取籜龍衣苦笋

華亭呂泗今少種滁上緯蕭偶得之不須飛鳴已奇特啄
腥恥逐鳬翁嬉滁水舟人所畜鶴雛

眞州無樹可藏鴉旅泊秋深倚白沙清夜推篷獨吟望半
江寒月浸蘆花白沙鎮

獨行瓜步山前路村酒嫌甜飯夾沙忽見佳人娶拾翠橫
波一隊氣如霞瓜步荷花

竹鑪茶銚此幽栖時有園丁餉樹鷄聞說鐙船隔幽勝不
曾遊興試青鞵北譙

虛閣無風松自鳴
吾師田水妙聽聲
元家故物惟存譜
不省區中虧與成

家舊蓄一琴歎云寒泉漱石今久失之

仲長公理

何曾樂志訓初願
未有昌言上帝聞
背郭臨溪多竹樹
欲依公住結成村

高文公伯恭

樸忠日侍虎如漚
惋頌同徵歲月遒
九十霸朝諮掌故
眞從物外得天游

韋左司

郡齋陽榭朝鉏藥
石室陰厓夜汲泉
迹順人間亦仙去
晚

知際斷去來緣

徐仲車先生

徐州孝子不履石智周萬物何所思
儼然莫笑老聾叟奇絕先生月蝕詩

讀陽明先生傳習錄

塊然生死龍場謫忽有雄深大辨才
浮脆人人百年內幾尋本性出寒灰

孫徵君

少日舉幡楊左獄晚年樵汲蘇門山
靜修一集資傳播卻望鄉園阻北還

姚惜抱先生

抽身早辦謝朝簪
嗇養微明得智林
收取閑身老文字
教

人宗派獨孤尋

先生論文嘗以唐獨孤及宋穆修自例

對雪

飄瞥無聲乍揜扉
清光入夜透書幃
臥思瀧尾江船火
獨速短簑人夜歸

答龍松岑

桂林山水天下奇
何久宿留金門爲
同困公車與待詔
莫漫寒女愁縑絲
明珠遺我逾百字
浮白及子傾千卮
石室終應著書隱
長安令僕如枯槁

贈潘孺初

瓊州文昌人
隱於金曹吏

海南仙人戴簪巾千年奇木蘚皮鞍偶然覓句五字穩能

使迴枯萬物春餘不沈公方黑蝶羅浮屈子跨黃麟

竹垞
贈屈

翁山詩云若非手持綠
玉杖不然定跨黃麒麟疏星夜見匏瓜朗宰相何爲失此

人

春游戲效松岑體乙亥

青陽夜韞玉花驄瑤山縵井潛迴薄似憐羈客少解顏故
遣衝烟吐紅萼王孫不惜錦障泥游女隨攜銀鑿落簫心
劒氣有底狂鉏車錯轂道生光春愁被花惱不徹化作春
星依苑牆

題朝鮮使臣金奭準指頭書

巖家餓隸濡一指烟霧霏霏結成字淋漓醉墨生氣出斤
棄中山管城子古云吹竹不如肉漸近自然君復爾顛張
憤頂猶未知指馬微言寄于此行人來自元菟東扶桑花
開少海紅奇文解讀吾妻鏡國表夜奏 明光宮草勢翩
翩解衣礪疑從畫革左書作東門祖帳送將歸遶指繁聲
白翎雀滄涼海國變桑田賈胡西來挾戈船蒼社勿忘盟
府策赤符欣戴會同年於乎駒支犄角兮歸固爾圍張我
右臂兮吾將銘南極之銅以爲柱鞭西溟之石而走淵飛
書遠責白環貢遲爾銅駝陌上韉

題松岑詩集

我讀槐廬千首詩龍伯丈人有奇氣悄然坐我西山下芝
菌松花常茁地太行西上脊逶迤渾河東注黃琉璃驚塵
淺草去不息離鳥羽短無安枝百年尺捶已取半三賦明
光良失時匭面上書欲自達露索又畏蕭生持閉關獨謠
玉桂國刻琬眾形資爲詩

西域蒲桃久移植南溟之珠流汎極北辰初正肅朝儀鼎
湖已緬思

帝力國論方求博望才方言誰佐揚雲職書生袖手何所
施表餌空言羞對臆縈青繚白灘江樹知舊書招未歸翼

期君橘柚出南州終貢金庭自瑀飾

四月二十七日書痛

又直 慈親懸輓日舉人未死十三年篋衣無復手中綫
初服終耕原上田臂憶搯時樵欲返乳驚汁出瓦仍全地
藏擬伐經幢石孤露心依白業禪地藏經者釋迦弟子地藏女爲佛母迦維衛國
王夫人所說以人名經 先母喜持齋
常誦金剛經不孝擬刊石幢以藏先志

問龍乞水

徑山卻似乖龍耳中有南宗一勺泉歸汲新泉供洗眼方
瞳試叩地行仙

驅虎負樵

郭文石室在何許不憶無情非漫語使虎負薪傳者妄欲
尋舊隱迷處所

夷亶

夷亶之閒一小洲百篇書在避秦搜無端改服從胡俗竹
帛輕燔海國愁

雜詩

蝦蟆有知解缺螯繁一族跳身挖青綬瞪怒輕丹轂覲官
爲給廩鼠壤有腐粟雖不讀春秋已勝淄原牧紅蠶緣枯
桑輸汝得章服活東能作技遜汝善緣蹴瓜牛頗廉介見
之角羞縮強聒自謂工螭鳴輒見逐奇醜變靡顏混沌私

自祝我讀卞生賦謂材堪令僕

方春搏黍出旣秋精列鳴四序不爲物物感氣而生寒暑
運自然勿與榮落爭至人榮期翁顏色老復丁奉藥一玉
杵泠然御風輕鹿裘何足恤帶索聊徐行不知有得喪亦
復無衰榮

智爲怨之媒愚又辱之鄰適俗乖夙好學古遭長貧崎嶇
蟻甕中乃苦形役神不若俱真之虛緣而葆真不與物爲
疏亦不與爲親傅沫與久竹吾師化爲人都養足自給何
憂甑生塵

寓館有女蘿叢生上蔓檐際豐茸可愛聊以遣興

裊裊女蘿生離離拂簷上陋室本寒窘綠壽媚虛幌烟暝
與霞朝頗類山居要宿羽穿還去輕塵棲復消昨夜風雨
至吹燈清夢異有人被薜荔赤豹從遊戲秋意忽然深閒
階石髮侵物微有相感寫入楚詞心

放歌

淮陰矢志下屠狗跛蹇乃待文王興一朝官家賜顏色寫
忱解帶猶龍騰上書讀輒乙其處施行略中利與熾遂令
民物少疵癘登進取直收風稜公孫脫粟徒爲爾蔡澤齧
肥吾不能功成辭賞拂衣去敕賜剡溪溪上脰輕舟厨傳
左顧辦荷花千頃青霞蒸淩肥芡熟淨可剝酒船容與傾

如澠瑯鐫小詩出應閒鄴下風骨羅徐應書局自隨賓從
美中興鏹壁文字稱登山穿林屐齒折偶尋林下支公僧
合丹服食頗有驗急逢龍背騎且憑八十鈔書字如髮殺
青傳本枯溪藤丈夫快意有如此何止射虎吳亭曾胡爲
局促浪自喜縛于世法如韉鷹

乙亥重九日詩

有敘

重九登高不知何始九者究也久也究其終始拯陽
道之剝依于長久觀攝生之指且是月也律中無射
射含逸義九爲陽變勤生無逸以資凝命積微戒著
以睎崇惠不亦善乎魏文與鍾元常書云日月並應

俗嘉其名陶公詩亦云世短意常多斯人樂久生日
月依辰至舉俗愛其名非其義邪又以爲其風起于
荆楚盛于西京屈大夫恐老桂冉其將及餐秋菊而
製稭復稱櫟又充其佩幃櫟本艸一名茱萸西京雜
記謂佩茱萸使人長壽是也然則沿荆楚而製俗及
漢魏而彌繁擷艸木之芳馨戒支體之墮逸舍此安
歸乎僕擬騷無才登高怯賦迹滯拘攣性耽予寂感
茲佳節聊述短章云爾

齋心觀羣動況乃逢令節霜菊榮前除庭柏有奇實採之
殿眾芳開樽自怡悅仰觀南山稜俯汲寒潭冽物候互遷

斥道心無斷絕獨鳥下龍沙涼颼息風穴高空無纖雲霽
剌氣融徹誰知市隱者荆扉晝長閉繕性刊浮榮息陰安
劣轍久厭喧俗居裒裒林皋迹西郊烟霧淨獨往離言說
止潛北部招同尋老牧莊伯馴鼎父子因宴集徧游
城外白雲觀天甯寺諸勝抵暮乃歸走筆爲詩呈諸

公

會稽先生臞且古挂腹森森九經庫牧莊居士天機全可
與鞭鐙相迴旋寮中主客皆清絕各抱逸情療蹇劣真游
物外有蘧廬把臂穿林眼花纈行炙三巡上馬去尋幽選
勝城西路銅駝十寺九喧俗塵境掉頭良不顧西山偃蹇

詩六

七

避舍蓋
公堂

待高人遙指蒼蒼竹林處山容如妝山骨瘦障日銜霞亂
無數救葉驚雅絕頂盤壁空元鶴橫梢度杜治開處淨烟
霧白雲昨宿檐前樹蒼官青士護館壇寓龍木駟左右攢
六丁嵬嵬五將列意佐檜榮鉏神姦濯龍宮中留道訣出
關漫索竹根丹未須住世一千劫且欲膾切三彭肝長春
西游越繩度鍊門石峽膠飛鸞真觀鬱茂動人主遺像肅
穆崇黃冠登樓笑語憑危欄浩蕩欲倚青冥端牛羊草低
綠幕地夕陽倒射山盤盤東愁西氣一朝洗乞取海棗花
堪餐林迴徑轉黃葉寺飛塔頑仙恣游戲剝苔先讀古鐘
銘埽薜冥搜隋刹記古往今來石敲火勝游卽此消礫礪

忘予形相據槁梧惜子英才如勁筈且依巍闕侶耕桑更
拓閒廛種瓜蔬街鼓蓼蓼暮傳鑰歸來蟄室忘機坐投林
野鶻亦栖栖山果捎檐霜落顙

拙訥翁

嗜書古有蠹樸子晚起今餘拙訥翁百日臨池縈蚓壁一
年學仕縮蝸宮問丹經逐鹿皮叟耽醋芹如羊鼻公據梧
心與竹石化爲問耳根聾不聾

金溪陽明乃孔門之琴張曾皙牧皮也拈筆短述

狂士衲襟自磊然標枝野鹿夢黃軒都將鹿洞天泉客拉
入沂陽諷饋天

形將

形將影語陶元亮身答心云白樂天證入苦空都忘卻東
山法裏一逃禪

短燈檠底時然夢黃葉林中獨閉關新霽小奚來報語斷
雲過處露西山

泛海僧

飛錫南游霧渺冥浮生身外卽滄溟風波惡處初移碇龍
鬼降時趁說經孤島泉流變寒玉亂山木落挂危屏高飛
欲向何天住白嶽黃山與洞庭

菊

方書浪說金精好楚賦猶傳墜露篇
偶殷秋光伴高士可
能藥性駐長年孤花皎潔霜如洗
瘦葉橫斜綠倚烟恥入
朱門張錦繡休將庸福損名賢

將曉

屢數寒更催落葉旋聞爆竹響鄰家
迴廊肅肅鳥辭樹小
院陰陰雲護花虛白初疑北闕曙
微紅梢上東溟霞惟餘
鐘動馬鳴寺猶憶鷗眠龍尾沙

燈

稍似心光聚能兼日月功
幽燕寒閣夜一氣逼空濛寂照
松窗靜餘輝竹徑通於君定何厚
伴我聽花紅

世說日照
平晝月照

詩六

九

公堂

乎夜燈光
照乎晝夜

瓦松

豈有松才調徒然託處高
嚴霜不相恕伏雨長而曹
大蘇摧元氣簷泉走暗溝
秋來任枯槁凋蕙又林皋

次韻張桐將之濟南別

破帽疲驢出劒門
棧行辛苦與誰論
君看石鏡山頭雨
灑入幽齊一片雲

翩翩神駿出南皮
何處相尋元武陂
濯錦江湖重回首
風

流儒雅屬吾師

座師孝達公
方觀蜀學

蒿庵去後樂泉荒
高屐誰登寫禮堂
此去授經尋打本
伏

生祠樹已微霜

伏生授經圖石刻
今在沂州府學

辯才應敵箭鋒機氣挾幽燕馬不肥
好使田巴不開口棘門餘子但如豨

憶女

耶不識兒面稚髮垂兩耳兒不識耶面
觀書常短視思汝呱呱聲學語未生齒
一稊裁已周晬日母饋爾越人將楚言
且復欣然喜非男情亦慰初索顰風始耶
不如汝祐汝有母可恃念母生我時摧哽
心不已耶已生二毛遠客形迹累聊讀養生
經何云餐石髓兒心渾渾然卽具老佛理
行歸弄汝姪劇雲滿霍埃欲得二頃田牛飲
而鵲起作

詩待汝長何求於世矣

漫興

自笑身隨眠食移偶逢米汁亦中之梵音千偈充陽氣

公羊

傳注凡有聲皆陽事故樂以陽出可佛說三寶王肌

住十

論云佛身七處滿謂

兩手兩肩兩足及頸左司解和春醪句玉局能偷晚起詩

目諡王城人似海何妨掉臂市中兒

散人

野人寒與飢皆蘊天性真飢念脫粟飯寒念羊裘溫貴人
飽與暝日與詐偽親未寒貂襜褕未飢具八珍彼其待手
足尚以利勢賄何況待血氣乃儕毛角倫所以漆園傲不

願爲犧尊所以華陽逸不願金籠馴羞爲彼哉伍君當恕
散人

懷昔遊戲作

均父髮更白仲修臂時風元同眼已花西泉耳仍聾向來
同局人流光去匆匆予亦非少年濁酒時復中偶與越縵
老銜杯向蒼穹朝爲擊壤叟暮作榮期翁鄰家霜柿葉照
予顏亦紅

送友人假還秦中省親

盍簪甫經歲祖帳還傷別泚泚林下游襦襦燕山雪感子
明發懷攬雲欣可悅野服成遠游高標謝時慙爲采商山

芝相期衛生訣

時參

時參南郭忘形越愛讀東方誠子篇偶漉村醪爲雪釀卽
於簷溜聽風泉哦詩韻似霜中磬作字艱如瀨上船聞道
金門堪避世遇畸何必後稱賢

上黃子壽丈

曾栖日下鶴蕭蕭凌紫霄

張文潛詩黃公蕭蕭日下鶴

明堂奏清角仙

樂鏘韶鈞一朝鵠寥廓身隱道轉伸誰知龍蛇飢羞與鷄
雀羣令惠飲和氣清輝燭高雲珠以枯岸潤蘭以幽厓薰
盪然夏飲冰豫若冬涉川披緝六菽藪特達窮天根腹中

琅玕寶鯁理誠殷勤排雲叫閭闔再使王風醕島索各秋
氣不如一室春阿膠雖徑寸可止四瀆渾觴豆陳堯禹襟
袪選黃軒此情眾莫識高揖綺與園金徽揚妙曲道惠飡
至言偶陳大雅義鶴鳴冀遠聞朝食玉山禾暮栖孤竹根
長離表我潔予豹賦我文芳風被鄉黨名論濟世屯甯闕
長者志欲識長者真太行何叢叢桑乾濁汙汙傾厓不可
樵積波不可縉爰居亦何樂斂副金馬門八珍非所饜五
漿不願陳但願青田游卜與丹邱鄰再拜漱寒碧一瑩心
與神

荅

貴筑

黃彭年

子壽

隆陰歎季駛朝霜若暮零卉零剛蟲驚疇能持大鈞神龍
盡思蟄尺蠖安可伸鯨齒白如雪出海千爲羣雀鵲聞天
時豈辨千霄雲言誰藥石甘香孰知見薰層冰凝已堅飲
鶴何處川襜褕脫籠樊結巢長松根病羽心自惜嘯侶情
每勤伊祁近堯基政闕而民醕叢樹翳樓閣碧澗幽含春
側聞丹穴鳳浴水不浴渾德牧耀奇字華采騰軒軒高調
叶簫韶求友靈禽園暫饑竹未花 聖瑞誰爲言阿閣翼
欲翥九皋鳴遙聞曷去蒼簣箚就啄茯苓根裴裒不輕下
高奮思呈文甚願儀 丹闕昌蓮開時屯素琴寫此意求
友相彼眞長風颯然至高下濤湧法滄洲繪滿壁昕夕容

垂緡卷軸山石閒天樂如衡門客來無雜語古義恒互陳
雅稱鳳偕鶴守寒棲相鄰同聲幸早應一曲傳心神

漸西村人初集

詩七

將之保定過蘆溝橋短咏

厲蓮花池作

別亮生

水生

曲池

定興道中懷桐廬

題慈雲寺壁

龍門精舍次韻沈約齋見贈長歌一首

簡汪梅村先生

士鐸

丙子十二月客居秣中惜陰書院連日大雪策蹇出

游溪谷間盡日乃返

病鶴詩

爲淩高士作

題秦淮水榭所藏宮鏡

懷劉融齋先生

仿滄洲病姿聞善決江河詩體擬作深山儕木石一

首

留題半山亭

半山今有寺豈卽荆公故宅後捨爲報甯寺之遺址

耶作詩用公集送孫正之韻

贈董策三

簡吳丈師機一絕

賣藥竹西市中
後隱居甘棠湖

訓林學使

天齡

二十二韻

懷劉司業

贈唐提督

定奎

三十韻

壯詞

放歌訓胡觀察

鳳丹

時客鄂州

調淩子與

江上

頭陀寺

鸚鵡洲

三月十一日自大別至鮎魚口風狂幾不得渡舟行

出險追書一詩

楚山

吾師

莊中白索題林蘭客館詩

有懷定林土山之游

觀安吳包倦翁爲吳禮北書竹西求友圖敘吳君屬

予題後

雅克薩城

育育

五月五日

贈朱竹石太守

論文一首示同志

吳郡丞新闢東齋

贈崔碩父學博

簡辭提刑

書常

桂枝寓興

高伯足

心夔

劉泐生

履芬

雨中招集陶堂陸君亦至

酒罷獨游滄浪亭入印心石屋憩坐久之而歸作詩

簡三君

漫興

哭鍾子勤先生

重至晦村

卜居

時假歸
桐廬

桐君孤嶼

觀江濤作

至人

山行雜詩以虛曠非我恥五字爲韻

追題王丈子穎種竹圖

答周桐廬一首

獨秀峰下村居

俞趙兩姓
世爲昏因

出世

次韻胡明經泛舟賓酒兼別趙聶兩秀才

無錫道中望惠山

醉裏

夢游茅山寤而記之

贈高叔遲

稼軒吳丈比部七十生朝先期止客見其手帖歎爲

盛德事奉寄里詞伏增惶恐

題畫絕句

冬日秣陵龍蟠里精舍作

漸西村人初集

詩七

將之保定過蘆溝橋短咏

丙子

行行漸遠城西塔惻惻還思林下游疲馬也知人惜別緩
馱殘夢過蘆溝

寓蓮花池作

南池谷轉望疑賒北苑春來不可涯洞石疑羊橫臥蘚窗
雲如墨亂投雅林喧鸚母初棲架水暖鳬翁戲上沙且學
榮期行帶索爲看花發帽簷斜

別亮生

詩七

一
避舍蓋
公堂

臨淮幕府出羣才
龍劍光芒首重回
湖海十年豪氣在
紫藤陰下倒千桮

水生

二月十日春水生
瀨鄉漫士蹋青行
小艇十斛生衣臥

魯

引山谷解杜野艇恰受
兩三人擬作平聲讀

白鷺一雙揩眼明
蒼石罅中珠濺

沫亂松堆裏玉鳴
鬢忽看籬落桃花發
葉底江南無限情

曲池

折葦枯荷久卷聲
綠玻璃涸曲池平
忽逢春水生時節
浴鷺飛鳧俱有情

定興道中懷桐廬

四百灘頭舊釣磯
三千甲子一來歸
山靈寄語念行客
少日栽松今十圍

題慈雲寺壁

象行積淖須防縛
蛟在層湫或許曾
欲知宿命爭闕裡
見在生中苦行僧

龍門精舍次韻沈約齋見贈長歌一首

高歌劇飲聊喧豗
何似興祀友犁來
緇塵浣衣燕市客
歸次海國顏方開
浮名殘秩畏見束
且押強均凌歐梅
約齋吾兄有狂氣
碧鷄白馬言恢恢
不名一能絕涯際
欲鑄四大窮胚胎
坐懷利器困場屋
魚腸繡澀生莓苔

沈鄉試
報罷今

陸舍蓋

文高摩太室闕

君近作隸頗道逸

勁句直撼淩歎臺夜光藏芒魚

鼈笑飛電掣練童兒唉同師與化子劉子爬梳六菽甄三

才勿貪馬肝尋大藥卻從鼠耳栽修槐強懷旋張意阱阻

道岸俄築心兵隕師獨不言鑄羣物胸襟雪落何皚皚和

風扇妍眾蟄喜百昌茁地鳴春雷昔者從游未領取強執

迹象尋九能狂花客慧坐自縛何能食氣雲霞堆掃除頑

空悟實相翦落枯肄生新枚齋廚杞菊自可樂隨俗詰屈

胡爲哉丈夫貧無買地券植根莽蒼甯非材共分一日景

光好力破千卷羣疑猜相期師說作火種歸注竹林兼玉

杯

簡汪梅村先生

士鐸

垂老談經猶奪席
淡言微出足排紛
未親色笑先思索
瀟散精神一片雲

丙子十二月客居秣中惜陰書院連日大雪策蹇出
游溪谷間盡日乃返

清涼寺前山迴岡起雪竹寒林驚麝竄雉前環積水不辨
涯埃長風蕭寥沈乎無止微見炊烟喜逢村市鍾山淖約
玉擘肌理襟帶羣岫容止俶詭俯仰揖讓龍翔鶴跂八功
德泉白石齒齒遺蝗潛墟年穀將美蘭根薺麥萐榮含紫
陽氣嚴藏地脈隆施駕言出游登頓遲迤探奇出腐陟高

由庫優哉游哉聊復爾耳

病鶴詩爲凌高士作

翦翎送籠裡因之著鶴言與物無競心疇能妨神全縱有掘堞厄可作江湖觀何當堯年雪病翮仍垂天

題秦淮水榭所藏宮鏡

白鷺洲翁朝撒網銜魚腹有古青銅多情還似南朝月曾照臨春花樹紅

懷劉融齋先生丁丑

神山有鳥曰鳳見則閭浮大穰四相莫名東郭一隅自媿

田方

又

雪霽千巖洞徹梅開一樹槎牙欲問尊師何處蒼蒼海嶼
烟霞

仿滄洲病叟聞善決江河詩體擬作深山儕木石一
首

未決江河頃冲澍野老謔石淙苔澹澹木脫鹿悵悵或就
陶家飢閒隨蘗者吟神從形影釋緣絕去來今靜得超然
趣虛涵太上音渾然游善始復見滄雷心

留題半山亭

雲水晴空澈其寒可洗心碁荒石枰壞寺古定林深久許

白漚鳥誰攜蒼玉琴人間有異境韶漢一聽音

半山今有寺豈卽荆公故宅後捨爲報甯寺之遺址
耶作詩用公集送孫正之韻

山石寵從碧成圍如牛飲澗熊登陴陂迴徑轉至者誰獨

與眞宰相邀嬰高詞絃俗古所悲字說誰識衷之旗

公晚作字

說謂形聲皆有義教必自此始能知此者則於道德之意已十九矣黃庭堅稱其文簡義深許氏說文之見重於世自公始發之觀土山示蔡天啟詩東京一祭酒云云可知靈湫之泉涸無時窮源孤往
吾行規

二

有帶不羨萬釘圍俗士蟬噪無完啤公文隊仗莫敢誰切

深往復窮酣嬰市易新法良可悲厲階兩呂張其旗誤公者呂

嘉問呂鵠披隼翼非一時晚悔笑及疇公規惠卿輩

三

兩定林閒非鐵圍昔割郭外今環陴捨宅偶耳誣者誰曲

筆未免工詆嬉梁摧鳳去卻誤悲折芳拔荃傷桂旗源公

僦宅城中時臺傾餘竹安可規

李穆堂先生辨宋史傳王

觚誣然世傳荆公晚年夢雋荷重枷若陷阿鼻者因捨

宅爲寺以祈福恐未必然也公元豐七年甲子夏屬疾湊

四

溝西擔土山陟園德水瑩淨巧穿陴招邀楊

德段約餘爲

誰割青遙對亭可嬉晚依丙舍邱首悲冷城寒食風酒旗
騎驢渺渺荒蹊時架櫟作屋今餘規

五

西陂種松今幾圍寒雪一頃竹壓碑風泉自吟知和誰元
豐老人衍以嬉讀元城語我心悲耆欲眾蔽樹降旗靈臺
勿枉自有時性行天得公子規劉公元城語錄云金陵亦
利不耽聲色與溫公
同唯論新法不合耳非常人不愛官職不殖貨

和前韻

歸安凌霞子與

霜筠雪竹不成圍公老穿斷鍾山陴秋港揚舲繼者誰微
之秀老追游娶俞秀老王微之
皆從荆公游墩荒石泐幾懽悲目窮今

古疇能旗

高誘云旗覆也

春蘭秋菊又一時有欲求之慎前規

又

文昌

潘

存

初

長松怪石皆十圍上有散人倚城陴虛空綠耳跨者誰尋
常險語工舐嬉臨川捨宅齊欣悲山靈乘風載雲旗申商
猶可拯秕時要以方鑿濟員規

贈董策三

連牆不記別經年往事迴思輒悵然卻羨壺邱顏色好養
空能作幾重淵

簡吳丈師機一絕

賣藥竹西市中後隱居甘棠湖

如今世上悠悠目豈識人閒有傅霖

見宋史張詠傳

小市支門朝

遊金蓋

賣藥壺天收得一身深

訓林學使

天齡

二十二韻

未窺閩學大漳浦有傳薪甯化差晚出安溪如可津璣誰
三易洞堂惜二希堙祖述推孤詣華光直重臣餅庵常愛
孟左海雅申陳經說論同異崇筵贊智仁舊儀攷壽杖故
事用蒲輪水旱頻憂國租庸恐瘼民上陳丹宸戒追溯赤
符辛遺補迴旋地艱難啟沃辰左高箴贖職中祕繹師春
龍節俄分使烏號痛 晏巡迴思霑賜飭翻憾隔征駢
任滿將瞻 聖廷推復借忭除書重命巽 陽惠正
闔屯簫勺興儒術輶軒頓病身綠圖資應召白虎議兼旬

下走貧如憲相，
陶意荷欽五更東。
治望一棹北江鄰，
知有壺懸玉虛蒙。
管鏤銀巋然親道，
道德迥爾聽韶鈞。
挂席終愁別迴車，
昨枉塵

懷劉司業

他時欲作劉公敵，
芒屨穿雲入夏峰。
無水無山何礙隱，
眞清始信物能容。

贈唐提督

定奎

三十韻

唐合肥人有勲
台灣番社功

莒國圖烟閣，
荆川剗日夷。
晚餘孫卓犖，
能辦賊離披。
忼爽才何限，
影搖略自奇。
雙流肥水異，
列宿總戎麾。
願盼熊彪逸，
縱橫虵鳥遺。
五丁搜仗庫，
三甲識雄姿。
龕暴頻乘障，
行

軍夙應規金行迅雷薄玉帳極風移元菟看敲劒朱鷺待
勒碑鑄歌常助陣敕勒略工詞鹿耳俄傳箭蠶叢孰陷鉞
狼貪心不靖鳥語面從撈獠燧侵鮫守凶鋒起豕豕

廟謨思猛士地利拓巖陲斥埃噉蘭警防秋新竹資然犀
靑草瘴飲馬白鹽池拾甚齋糧速燒荒渡竿遲澎菱輸白
翟猱酒酌紅螭轍覆延平鄭功銘靖海施渴飡椰子醬倦
枕木公皮穴掃羊頭嶮城摧獸角危蒼銅標一柱火箭熱
千枝 詔賜功臣服師還外海旗勞動銀鑿落飲至碧
留犁斂抑朱然美忠純向寵期論階積影羽戮力愼交綏
剖竹騶諸國崇牙漢尉治更番持護節特達上穹墀予亦

思葦鼓君其簪羽儀聲詩鐫賜廟刻畫不辭爲

壯詞

閒騎漠北臙馬快挾淮西健兒插帳欲過蔥嶺拔刀還勒
穹碑

又

箭落山鷄羽赤柳生左肘瘕青州檄方書颯颯登封旋侍
亭亭

放歌訓胡觀察

鳳丹

時客鄂州

金華山中紫烟客招我名園坐瑤席平生跼遍五嶽青飽
探宛委二三策黃鵠磯陽天下無題咏鐫鏡徧厓石致令

鄂渚播清名何用朱門拓霜戟
吉金樂石無不有寶刻陳
思此遺舄自言欲寫七閘書
擲簡搖毫氣旁魄相與勤斟
拋青春還念家山老魚麥挂
席東溟萬里來火輪似卷銀
濤堆東西梁排兩蠓屋大小
孤壓三蓮萊匡廬瀑布不可
兄洞庭欲瞰青崔嵬要當南
去窺衡嶽縛茅雲谷燒松煤
海水橫飛賈胡舶芳洲疑出
秦時灰登臨景氣開樓觀文
酒誅謫窮諧談楚天三日黯
霧雨卯鷄三號聊起舞渡江
誰是阿龍超不然歸釣幽磯
戶試問蒸食槎頭鱖何似狂
罇石鍾乳富春山剖乖龍股
待我江邊萬梅樹若遇黃初
平牧羊爲注丹牀大藥譜遲
爾金華仙人上下古

調凌子與

幽人自號爲病鶴卜居莫釐第幾峰
區裡詩餘幾芻狗壺中杖跨一茅龍
若非梅尉門前住定向公超市上逢

江上

漢皋明珠月皎皎江上雜佩青珊珊
疑有神斐張水戲遙知羽客栖雲閒
塵罪小劫一黃鶴貢賁大秦雙白環
烟濤蒼茫意不盡矯翮萬里成孤還

頭陀寺

修竹多映水好雲慵出關寺殘無鶴迹
碑古有禽斑苔滑月離畢松鳴風落山
已荒王少頌自衰勝情還

詩七

九

遶舍蓋
公堂

鸚鵡洲

鸚鵡洲前芳艸稀
楊花如雪逐春歸
大隄三月紅芳歇
綰住殘春莫浪飛

大隄游女戴餘春
蜀舸朝朝賽別津
目斷靡蕪山下路
桃花濁浪送行人

春愁浩浩集芳洲
不見畫舸向黃牛
隴山一賦真淒絕
應遣長江咽不流

三月十一日自大別至鮎魚口
風狂幾不得渡舟行
出險追書一詩

驚舟簸復橫
白浪若衝城
帆逐鳥邊渡
人從魚腹生
騎危

百靈集出險一身輕
猱立空山柏輸君無世情

吳淵穎詩大別古柏

猱如立

楚山

楚山鮮翠不知名
送我扁舟江海行
倒景玻璃天割碎
盤空瓔珞石橫生
風帘白墮三杯釀
雨鋪黃陂一尺耕
卻羨結茅洲上住
魚簪晴曬綠楊城

又

柳絮白吹沙際浪
菜花黃入渡頭雲
中流忽見楚山影
上有幽人喚不聞

吾師

詩七

十

公堂

庸俗息眾毀吾師陸合肥

陸祁孫詩一
庸息眾毀

亡書池北憶倦客

竹西歸雨榭榆生耳風園竹解衣行勝真可隱生事亦無

機李申耆先生詩願借
雙行勝以為安樂窩

莊中白索題林蘭客館詩

林蘭彼何花花以名人重拓室裁丈餘清夜聞孤諷注緯

羣疑芟擬予名理洞

君草易緯八種補注又作大
闡說其文頗類予辨諸傳

奇撐方

介立瓊樂發佳夢破寂聞幽香瞥見桐花鳳膝癩牀幾穿

言高箭微中五十不登朝鄉州誰辟貢客土根未危臘雪

狸尚凍莫笑主人貧龍鸞箭雲韁去年淮南饑流亡廢春

種寒儒亦栖栖萬卷付覆瓿何日上林閱一為王者用

上林

賦鮮支黃櫟鮮
支卽林蘭花也

有懷定林土山之游

入功德水迴環抱竹覆隆冬夜雪深偶倚檣梧禪智寺猶
疑把臂入荒林

觀安吳包倦翁爲吳禮北書竹西求友圖敘吳君屬
予題後

倦翁縱橫家深曉城旦書函牛鼎苟沸蟻足安能濡惜哉
時不識長轡委通衢吳君淮陰彥竹西來徐徐源翁客游
此媚學亦有徒餘菽八法授游刃萬物初密麗穀性道純
深父唐虞眞風已告逝衡纘乃塞途求古澹已足懷賢實

起予閉門觀內游六籍權有餘寄語後來者其毋撓世譽
雅克薩城

聖德神功古所希九朝柔遠頌康熙鐵菱實埃三韓戍銅
柱鑄銘五體碑豈爲廣輪通象譯曾聞方俗革魚皮
景陵自有安邊策有道由來守四夷

育育

育育魚龍浩蕩吞千紅躑躅弄歸人扁舟蝦菜君須計莫
待然屢始采薪

五月五日

佳節應沿屈清時匪涉江敢辭旅人役未遣壯心降歌舞

竹西異流亡淮北隄綠荷包楚纓綵縷繡吳絳香飯準提
散疏鐘禪智揜終憐農望雨村鼓聽絳絳

贈朱竹石太守

文饒起蔭任天姿稟勁拔偉思霄宇崢壯圖波瀾闊丁甯
平泉營大制河朔割從容資坐謀風流自宏達君乃慕文
饒門才出勳閥高言厄時趨藥論求國潛丞吳仰短轅伏
櫪恥受秣欲刊會昌集力斫世議聒一世習脂韋圓曲相
陶沫利器以時伸君相求若歟脫非猛虎強何以別箭櫓
方當諭澤潞豈忍誅悉怛走雖鉛刀材亦欲睹迴斡疲蒸
慚早衰歌商猶激越請與盡心期緘情望天末

論文一首示同志

文於一氣中吸萬物之精二儀始鑿度七緯遂分形縱之
抉塹躡衡之絕泓崢力能弭愆伏理亦佐平成先王業久
荒夷塗塞榛荆識路當疾驅裹糧遂徂徂征徂征豈憚遠前
聖之所營初從經流大搜鑿幽磳潢交濿別汜泗異味判
渭涇沈洋絕大壑冥心治舟杭或探獨角虬苦戰修尾鯨
禹迹所不到應龍爲之耕精靈閩水府絳節相導迎參差
討異派爛漫得周行始窺豫章根蟠地絕厚藏視之大蔽
山我目不得明一一尋枝葉遂識柯條昌斤斧慎所施沈
精謝飛揚中誠旣洞達所得巨棟梁面勢審曲直圭景窮

短長鉤量幾年歲層臺麗飛甍八窗明且豁青陽連總章
智者覬其巧愚者迷其方勿以經流大而蔑汶與洸勿謂
豫章材而棄堂密縱先難後乃獲由埤躋崇岡積久源自
充左右萬象呈蓀然道亦爾勗之慎勿忘

吳郡丞新闢東齋

泊宅何所適久爲僮僕嘆高齋遇花竹危構敞精神靜得
濠梁趣喧無京洛塵賢哉陳仲舉容得漫郎身

贈崔碩父學博

荆溪人

續文今見崔斯立寄命荒庭柏石間賴有朱游爲地主免
嗤樵隱不同山

一任腦脂遮法眼

崔有目疾

猶能十石挽黃間擬從陽羨同輕

舸去訪赤烏封禪山

簡辭提刑

書常

歲源庚申往邊思戊己才魚羊千騎至獵虎六軍摧諫草
牽裾切班心斷勒陪一梟方逞毒三蠶亦沈猜火徹昆明
涸芒搖太白體

翠華行獮狩赤翟擾毳毼淀苑遮留數灤宮氣色開留防
期自效扈蹕未兼眩捷伐遺中冀貼危斥上台竹符俄出
守糧料更行臺唳鶴昕宵警飢鴻慘澹災俱張輸幕府飛
輓積京垓遂興淮揚備頻蘇決塞災去思餘召垓行部式

顏坏察吏如操涇煩條革棄灰惠文增秩貴決比引經裁
亭有滄浪古工興瓦礫堆林皋洗佳趣水石韻流杯

帝力安耕鑿儒風出燼煨憂難忘莒陋銘欲刻涪隈吳市

輓如寄夷門駕一迴因公談往事屯難感雲雷

咸豐十年七月京師

戒嚴

詔以周公祖培等爲團防四大臣先外舅辭淮生

侍御及提刑等十八副之提刑與外舅同抗筵諫止北狩

八月初八日

大

駕始發將幸灤陽

桂枝寓興

桂枝北地好萬里還傷別卻憶急觴傾菖蒲花九節

高伯足

心夔

劉泐生

履芬

雨中招集陶堂陸君亦至

酒罷獨游滄浪亭入印心石屋憩坐久之而歸作詩

簡三君

得隨盍簪樂復有積巾懽朝來滄洲逸把臂青林間劉龔
鄰州彥高鳳振修翰近得陸生逸乃試楚枝官情語未及
半酒穀羅玉杵汲古無近癖傷俗有悴顏竹實未遑采枳
花亦羞餐遂令陸沈客未有平柯安稍辭入林薄紆曲如
登山仰捫蒼石壁俯聆鳴玉潺脩脩驟雨過濯濯落錢斑
名賢拜石像左右森璵璠箕尋陶公洞結想切雲冠集賢
追謫籍遺墅寄平寬世議豈終揜風期如可扳人去修竹
合亭摧飛鵲還寄言慰吾友聊作記游觀

漫興

飢貧與訕毀排日讎肝腎賴有古心飴充然堅城楯氣勢
兩相劇戰勝拓叮咛非譽不敢懷蹟遠如可準齟齬誠難
合參差勿求泯醬瓿嗤覆傖石鼎嘲竅蚓相知千載上惟
郊愈勉黽不欲誇麾幢相期嚴鞬勒鬪鷄莎柵謹拱鼠城
南賑遇感雙鳥囚情豈五漿紆何傷國子齊勿斥申嘉贖
薄俗乃不然語穽藏隱嶙紛予倦行役二毛漸凋參北上
候火流南來源霜隕汎梗慚貞堅寒栖期菌蠢漫刺慵叩
關遺經旋抱糈犀首空說秦豬肝誰饋閔終遺外物游一
逃狂泉寤長嘯竹林游吾宗睎袁尹

哭鍾子勤先生

道帙俄長擯講筵嗟已沈正詞五宋石傷別雙南金竟抱
不傳逝誰能微學尋竊冥東海曲末技媿知音

重至晦村

綠篠依荒岡白雲媚幽石 先公此游釣寂寂經行迹山
阿悵復來溪風撼林夕

卜居

時假歸
桐廬

長安市中戰枯碁知北游篇賦復疑欲投坊郭耕綠野又
苦求羊無和者形容略變性靈存白石蒼松常對門漸損
佳游山水癖時親老圃笑言溫無田空羨蹲鴟沃無竹難
營待鶴軒旅庭葵穀不論直荒井鹿廬無復存儉歲驅人

逐黃鵠名山留我佩烏犍求仕非嫌去豈高古今眞士共
賢陶何妨避世金門去不用鷺鳩巢短蒿

桐君孤嶼

危峰翠起削青成似有羣仙抗手迎日出常疑塔光現雲
來時挾溪聲行窗中一水浮衣帶洞裡三生訪石枰我欲
山中聽齋鼓安心未肯學屠鯨

觀江濤作

晝則眾竅皆號夜則眾竅皆寂惟爾萬頃雲濤終古雷轟
箭激

至人

詩七

夫

公堂

世緣常有焚和厄道術便於斷際歸莫誤千金鑒作散勿
爲五技鼠張機何須辟穀追黃石不待穿雲入翠微但守
至人真訣在非真非俗兩無譏

山行雜詩以虛囂非我恥五字爲韻

曉策采藥路俯驚山魃居行人度木杪影落碧潭虛
野葛習爲食枯碁累作臺何如白茅屋危坐對空壘
海鳥六月息木客三旬飢微聞天樂妙未議物情非
煩惱樹無枝堅牢船不柁伐樹作船無佛捨藥飴我
孛嗔無斗儲乃挂瓢於此且復酌溪泉澗泥吾所恥

追題王丈子穎種竹圖

縣南子猷好種竹風日竹閒勤曝書卻憶持竿釣東海三
年欲膾長鯨魚風梢霧葉不可作壁上墨君飽松腴而今
咫尺河山感林下欲答秣陵書

答周桐廬一首

桐以木氏縣蔥龍溪壑美賦瘠戶皆貧俗疲紛待理覲茲
元魯山政成稊月始何以訓令德山精獻芝紫繡峰爲枕
屏白雲當戶起松作幽人筆筭成君子履華軒旣見臨來
暮歌咸喜竊慕澹臺仁非公未嘗至

獨秀峰下村居

俞趙兩姓
世爲昏因

牧童晚唱隔溪聞一片溪流入野雲恰似朱陳通嫁娶不

知人世有紛紜

出世

出世仗天性漫胸有古悲支離畏世網宵眇隔心期閭里
稀舊識卑栖無定枝醬翁與篋叟倘亦有吾師

次韻胡明經泛舟真酒爲予餞行兼別趙聶兩秀才
買艇溪頭將欲行合江亭畔話離情笛中高唱雲先住簾
外微涼月漸生厓石夜看飛欲落漁燈遙指滅還明徐方
舟恰芒屨至集裡新詩送客成

渡頭一樹柳微黃浩渺長天遠水光服食便當尋藥錄築
堂眞欲待聲郎紫葵紅蓼園今廢白石清泉興未忘不爲

故鄉生事儉訪奇山澤待攜糧

欲逐野雲栖絕島起看江月挂疏林投鹽著水喻詩味枯
木彈絲含別心濠上游鯈輪子樂窪中桂酒爲予斟遠游
一賦眞無奈浩蕩羈懷此夕深

多謝高情出里閭五漿欲餽大瓢儲未妨乞食叩茅屋時
復開尊引翠裾閱世何堪繫馬止忘機眞與觸舟虛暫游
決棄冠纓返無數青山環舊廬

無錫道中望惠山

曲曲帆迎面面山聽松庵定壓屏顏竹鑪問訊今無恙欲
載千巵乳水還

醉裡

愁中每覺霄垠窄醉裡從教屢屢寬耐辱而今號居士梅
花釀透者番寒

夢游茅山寤而記之

玉礫金沙粲可數蒼官青士相對閒閣中逸老不知姓八
十梨棗生朱顏天風吹松自宮徵水樂遶門成珮環我欲
叩關石罅合日落歸牛初下山

贈高叔遲

幾載同書局盤供苜蓿俱飽餐少施氏恥逐陶胡奴貧守
一編好書從三絕摹閑門綠苔上高枕夢蘧蘧

亭林先生有辭生日書今稼軒吳丈比部七十生朝
先期止客予見其手帖歎爲盛德事雅蒙誤獎不能
無言奉寄里詞伏增惶恐

卻埽懸車已卅年講堂風日集三鱣澹栽花竹通和氣倦
枕圖書有別天杖倚朱藤修日譜文成銀筆謝時妍太常
詔起曹褒議會讀先生學禮篇

東閣一登爲相掾西曹再入又臺郎並時名輩存今獨垂
老新詩格更蒼散穀如聞鄭公業傳衣敬爲潘山陽
君爲四農
先生高
弟子何時汎棹淮壖去試叩靈臺大藥方

題畫絕句

誰與擺脫此枰中只惜登場欠國工樵斧吹枯能幾局不
如收拾隱牆東

觀弈寮

泠泠松吹戛寒玉前者未終後者續道人茅閣眼中成攜

一枝藤下烟谷

聽松榭

冬日秣陵龍蟠里精舍作

偶尋餘霞閣殘竹但蕭森經師渡江去昨動還山吟
荒岡閉晚市寒水明遙岑卽事無賓主超搖一散襟

慰師返櫟